

條面各五十踰繕那量。如在樹下近東邊立。公被樹身五十踰繕那。若有東風名爲逆風。此人雖在樹身五十踰繕那。由在樹界內立而得頭上枝條等香。故言衣不越樹界而言逆風五十者。望樹身以論。若越樹界即不得香。○理實圓生。至如順風熏者。論主正解。天香德勝。能逆風熏。越於樹界五十踰繕那。非能遠。至如順風熏。能越樹界百踰繕那。○如是華香。至別生香氣者。問如是華香爲依。自碎華中地大。隨風相續轉。至餘方。以欲入極微。不相離。故有地大。就能造中地。強說依非無餘大等。又解地謂碎華與香爲

所依。故名爲地。又解地謂土地言。此華香依此土地相續流轉。爲但熏風。風中別生香氣。轉至餘方。○此義無定。至俱許無失者。各軌範師釋通。一無失。○若爾何故。至遍諸方者。難若香能逆熏。如何須說華根等香不能逆熏。但功德香能逆流。○據人間香。至無如是能者。論主通釋。人香共了。不能逆熏。若據天香能逆熏也。○化地部經。至唯遍五十者。叙異部說。彼部說。此圓生樹香。順風至百。無風五十。○外西南角。至不如法事者。釋善法堂。正理論云。城外西南角。有大善法堂。二十三天時集。詳辨制伏阿素洛等。如法

不如法事名善法堂○如是已辨至皆依外器者此
下第二明空居天器從夜摩天至色究竟所住宮殿
皆但依空依迦濕彌羅故言色界十六又正理云有
說空中密雲彌布如地爲彼宮殿所依外器世間至
色究竟上無色故不可施設○如是所說至故使之
然者此下第一優顯餘義就中一明六天行炁二明
諸天初生三明欲生樂生此卽第一明六天行炁○
隨彼諸天至同中印度者此卽第一明諸天初生且
六欲天初生如次四天王天如五歲三十三天如六
歲夜摩天如七歲覩史多天如八歲樂變化天如九

歲他化自在天如十歲生已身形速得成滿色界天
衆於初生時身量周圍具妙衣服如梵衆天初生半
踰繕那乃至色究竟天初生萬六千踰繕那一界諸
天皆作聖言聖言謂中印度語印度此云月支支有
千名斯其一矣舊云天竺或云賢豆或云身毒皆訛
也又正理云謂彼言詞同中印度然不由學自解典
言○欲樂生別云何應知者此下第二明欲生樂生
問起○頌曰至樂生三九處者答○論曰至樂生三
種者解三欲生如集異門第五廣解三欲生三樂生
不能具引略述意云有諸有情謂是假者樂受現前

諸妙欲境。謂諸有情恆樂受用。宿業所感。隨本所生。現前欲境。非別化作。彼於如是。隨本所生。現前欲境中。有勢力。故自在。而轉謂全人。越及於欲界。取下四天。言妙欲境者。境非是欲。貪欲名欲。境能生欲。故名欲境。愚夫妄計名之。爲妙。有諸有情造是類業。受用境時。樂自變化。自在。而轉謂唯第五樂變化。天有諸有情造是類業。受用境時。令天子化作種種色聲香味觸境於中受用。自在。而轉謂第六他化自在天。集異門聲亦可化。所以別立三種別者。依彼受用如本所生。現前欲境義。故立第一欲生。依彼受用如樂。

自化欲境義。故立第一欲生。依彼受用如樂。他化欲境義。故立第三欲生。於欲界中分別欲生。筌別三種。故言欲生。故集異門云。欲生者。謂於欲界生。又解受用五欲境。生故名欲生。又婆沙一百七十三云。問何人及前四天煩惱。麤後二天煩惱。細有說人及四天同樂受用。自然生境。故合立一第五天衆。獨樂受用。自所化境。第六天衆。獨樂受用。他所化境。故各立一。然雖無婆沙評家。且以後說爲正。○樂生三者。至故名樂生者。解三樂生。初二定名。三靜慮於三。

靜慮處各有三名九處生受二種樂言二樂生者一
謂彼初定有情安住離欲惡不善法而生喜樂或即
定名離由離勢力生喜樂故準法蘊足論第七喜謂
喜受樂謂輕安二謂彼一定有情安住從初定生二
定喜樂或即由彼一定勢力生喜樂故喜樂如前解
三謂彼一定有情安住離一定喜生一定樂故集異
門說離喜之樂一定言樂所謂樂受長時安住此三
種樂此三種樂長時離苦長時受用此三種樂故名
樂生準集異門長時等三皆通三樂應知此中所言
樂者或喜受名樂所樂或輕安名樂或樂受名樂又助一

解初定長時安住樂一定長時離苦初定雖亦離苦
猶有苦依一定離苦及離苦依以相顯故故言離苦
一定長時受樂○生靜慮中間至亦號樂生天者論
主約中間定勸思正理論釋云大梵既有喜樂現行
名樂生天亦無有失○所說諸天至得究竟名者此
下明天器近遠就中一正明天器近遠二明下天昇
上此即正明天器近遠欲界六天色界十六總二十
二相本可知○於下處生至要作下地化者此即第
二明下天昇上下天昇見上總由二緣一自得通能
往二依他得通者在三上天接往若上天來下或下

天至上下見上天然下地下界限不能見上地上界
色非其境界色非其境界故以上色細故如地身不覺上觸故
上來下非自身來要作下化方下得見若自身來下
眼不見○有餘部說至下見上天者敘大眾部說彼
下地天隨樂亦能見上地色如生此欲界下天見上
天正理破云諸地相望因果別故要離下地深方得
上生故下地眼根不見上色是界下業所感果故○
夜摩等天宮依處量有幾者此下大文第一總辨大
千此即問也○有餘師說至量無邊際者依宗正答
欲界上四天有二師釋色界四定亦有二釋如文可

初師
何云

知言第四靜慮量等大千或說量無邊際者據積
衆多別處量說無總地形故下論解第四定云謂彼
天處無總地形但如衆星居處各別○齊何量說小
中大千者問起頌文○頌曰至後當廣辨者可知今
準後文前文初師說初定如四洲者爲正又正理云
此中小千唯舉其梵世故小光等非小千界攝積小
千等爲中大千故中大千亦不攝彼又言小者是卑
下義以除上故如截角牛積小成餘亦非攝彼○如
外器量別身量亦別耶者此下大文第二明能居量
就中一明身量二明壽量此即第一明身量問起○

亦別者答○云何者徵○頌曰至增滿萬六千者頌
答俱盧舍此云鳴喚所以無雲滅三踰繕那者從變
異受初修不變異受難故滅二也又解為成色究竟
天萬六千故所以滅三又解法爾故然餘文可知○
身量既殊壽量別不者此下第二明壽量就中一明
人天壽量二明惡趣壽量三明中天不中天此下第
三明人天壽量問起○亦別者答○云何者徵○頌
曰至大全半為劫者頌答○論曰至壽量長短者明
人壽量○要先建立乃至建立晝夜者問○人五十歲
至萬六千歲者答欲界六天已上五天望下四天王

天各有二俱增倍一晝夜增倍二壽量增倍故言上
五欲天漸俱增倍餘文可知○持雙以上至依何得
成者問○依華開合至天壽長短者答華開為晝華
合為夜狗物陷此云白蓮華鉢特摩此云紅蓮華鳥
鳴為晝鳥靜為夜天寤為晝天寐為夜自身帶光明
成外光明事不假外光○色界天中至六八萬劫者
明上一界壽量○上所說劫至為中為大者問其劫
量為以壞攝空四十劫名為一劫為二十成劫為一
劫為約住劫中一下一上一中劫為一劫為約八十
中劫為一大劫以佛經中或說一中劫為一劫如無

問果或二十中劫爲一劫如成劫等或四十中劫爲一劫如梵輔天或說八十中劫爲一劫如少光天等由此不同故爲此問又解以壞攝空四十劫以成攝往四十劫中謂一上下大謂八十中劫壞成雖復時等乘前論文壞成起問故兩種俱說又解爲壞二十中劫爲成二十中劫爲一上一下中劫爲八十大劫○少光以上至所壽劫量者答少光以上八十中劫大全爲劫於四劫中以大爲劫自下諸天大半爲劫於四劫中時等壞劫卽由此四十中劫爲一劫故說大梵王過梵輔天壽一劫半謂大梵王以成住壞各

二十中劫總六十中劫爲一劫半故以大半四十中劫爲下三天所壽劫量問大梵王望少光天身量但祇半踰繕那如何壽量懸格不同解云身壽二量不可俱齊爲順火災故大梵王不受大劫爲順水風災故少光已上天全爲劫倍倍漸增○已說善趣至後後倍二十者此下第二明惡趣壽量問及頌答○論曰至壽一中劫者明八熱地獄壽量○傷生壽至壽五百年者明傷生鬼壽量難陀此云喜言八龍王者法華經云有八龍王難陀龍王跋難陀龍王娑伽羅龍王和修吉龍王德叉迦龍王阿那婆達多龍王摩

那斯龍王優盃羅龍王○寒那落迦云何壽量者問
○世尊寄喻至地獄壽量者解八寒地獄佉黎受一
麻婆訶此云需受二十佉黎一麻婆訶量此顯婆訶
量大少不欲取麻如言一穀需頌言如一婆訶麻者
顯取婆訶中麻如言一篇穀摩揭陀此云無惱害巨
勝胡麻異名巨勝易盡壽量難盡顯壽長也故起世
經第四解寒地獄中云諸比丘如憍薩羅國斛量如
是胡麻滿二十斛高盛不擊而於其間有一丈夫滿
百斗已取一胡麻廣如彼經以此故知佉黎是斛量二十
佉黎是一婆訶量真諦廣以彼國計第云二十佉黎

爲一婆訶一婆訶有二百五十六斛者不然餘文可
知○此諸壽量至皆無中天者此卽第二明中天不
中天諸處壽量皆有中天唯北俱盧定壽千歲此約
所居止處說非別有情有別有情不中天故謂住觀
史多天一生所繫菩薩無始已來爲多生死之所繫
縛今唯一生所繫未得成佛故云一生所繫此菩薩
定壽四千歲必無中天家後有謂依此身定得無學
名家後有若未證果必無中天後成無學已亦有中
天佛記佛使謂事未終必無中天事終已後亦有中
天隨信行隨法行謂在見道十五剎那必無中天出

見道已亦有中天菩薩母懷菩薩時輪王母懷輪王時未生已來必無中天後生已太亦有中天此等如應皆無中天故正理云謂住觀史多天一生所繫菩薩決定盡彼天中壽量若最後有乃至輪王等有情事未究竟終不中天非謂必盡隨所生處壽量短長問前俱非害中說慈定等於不中天中何故不說又不中天中說一生所繫俱非害中何故不說解云於不中天中理亦應說慈定滅盡定無想定以時不定非如見道隨信法定十五剎那那落迦王仙輪王色無色界雖非俱害然有中天故此不說見道即是

隨信法行達非羅等此見佛記餘者同此後文又解那落迦輪王色無色界有中天餘慈定滅盡定無想定王仙無中天此中皆在等字中收又解隨其所應等字以攝俱非害中不說一生所繫菩薩者略而不論非皆舉盡應知此中非中天者定非自他害有是非自他害而是中天謂色界等問彌勒菩薩何劫上生下生泰法師云依立世經彌勒菩薩第九住劫釋迦如來百歲時生上觀史多天至第十劫八萬歲初減時方下生廣勤被經真諦法師亦作此說然和上云釋迦牟尼當住劫第一劫出世於此劫中已有四佛出

世三即拘盧孫佛至釋迦佛若彌勒佛當第一住劫下
生三

俱舍論記卷第十一



國家圖書館, NATIONAL CENTRAL LIBRARY, TAIWAN, R.O.C.

俱舍論記卷第十二 沙門釋 普卷

分別世品第三之五

○如是已約至二極少量者此下大文第二明二分

齊一明二極少一明前一量此下第一明二極少如

是已約喻繕那等辨器世間身量差別此約色明量


約年等辨壽量有殊此約時明量色時二量差別不

同未說應說此二建立差別不同無不依名前二量

及名未詳極少今應先辨二極少量結前問起又解

一量不同未說應說此總生下此二建立下別起須

文○頌曰至色名時極少者頌答○論曰至為色極



少者明色極少○如是分拆至爲名時極少者總釋
名時極少拆名至一字爲名極少拆時至一刹那爲
時極少○一字名者如說瞿名者此別釋名極少約字
以顯名有多種有一字生名有二字生名有多字生
名一字生名者如此瞿名○何等名爲一刹那量者此
下別釋時極少此卽問也○衆緣和合至一刹那量
者現緣和合法得自體頃卽復落謝更不經停名一
刹那或有動法行度一極微名一刹那諸法實無行
動相續道中假說動故對法師說如文可知廣釋刹
那量如婆沙一百三十六○已知三極少前一量

云何者此下第二明前一量結前問起○今日辨前
至此八踰繕那者就答中一明色量二明時量此下
明色量踰繕那等等取俱盧舍等○論曰至爲一踰
繕那者此微卽極名曰極微若依正理三十一云然
許極微略有二種一實二假其相云何實謂極成色
等自相於和集位現量所得假由分析比量所知謂
聚色中以慧漸折至寂極位然後於中辨色聲等極
微差別此折所至名假極微令慧尋思極生喜故此
微卽極故名極微極謂色中折至究竟微謂唯是慧
眼所行故極微言顯微極義準彼論文有二種微積

七極微爲一微，量微顯細聚梵云阿菟，此名微眼見色中取微細也。應知但爲天眼輪王眼後有菩薩眼所見積微至七爲一金塵，金銀銅鐵總名爲金雜心云銅塵，舊俱舍云鐵塵，皆局一偏塵於金中往來不障，故名金塵。又解積微至七方於金上住，故名金塵。水塵兩釋亦云兔毛塵、羊牛毛塵。又解積水至七方於兔毛端上住，名兔毛塵。羊牛毛塵兩釋亦爾。婆沙又有一說七微成一水塵，七水塵成一銅塵，七銅塵成一兔毫塵。此師意說水塵細銅塵麤，際遊塵等文顯可知。若依此間計一踰繕那成里數者謂

一時有一尺六寸四肘爲一弓，一弓有六尺四寸五寸，百弓爲一俱盧舍，計五百弓有二千二百尺八俱盧舍爲一踰繕那，計八俱盧舍有二萬五千六百尺，以五尺爲一步，計有五千一百二十步，以二百六十步爲一里，計有一十四里餘八十步，爲一踰繕那。言阿練若者，阿之言無練若，名喧雜。○如是已說至智者知夜減者，此下第二明時量就中，一明其年量，二明諸劫量。此即明其年量，從夏至冬至，至夜增晝減，從冬至夏至，晝增晝減，又解時長名增時短名減。若作此解，從秋分至春分，晝增晝減，從春分至秋分，晝

增夜減春分秋分晝夜停等年呼泉多此云須臾一
年之中總減六夜此言減夜顯晝亦六減顯一年中
六月小也分一年為二際謂寒熱雨各有四月於此
寒熱雨際十二月中一月夏半月已度於餘半月應
知減夜如是乃至第六度一月夏半月已度於餘半
月復減一夜以此須證故減六夜由此減夜擬作潤
月論主所以不廣明諸曆數者恐人耽著邪命自活
○如是已辨至今大當辨者此下第二明諸劫量就
中一明劫大小二明劫中入三明劫中災此下第一
明劫大小結前問起○須日至大劫三無數者初一

句舉四劫數第二句列四劫名次兩句釋壞劫次兩
句釋成劫次六句別釋中劫次兩句類釋餘三次一
句釋大劫後一句便釋無數劫問何故四劫之中不
說住解云以壞攝空約中辨住故不別說又解約
中辨住空無別體須中類顯又解以壞攝空以成攝
住故婆沙一百三十五云劫有三種一中間劫二成
壞劫三大劫中間劫復有三種一減劫二增劫三增
減劫減者從人壽無量歲減至十歲增者從人壽十
歲增至八萬歲增減者從人壽十歲增至八萬歲復
從八萬歲減至十歲此中一減一增十八增減有二

十中間劫經二十中劫世間成二十中劫成已住此
合名成劫經二十中間劫世間壞二十中劫壞已空
此合名壞劫總八十中劫合名大劫○論曰至總名
壞劫者此釋壞劫文顯可知正理論云由此準知傷
生鬼趣時人身內無有諸虫與佛身同傷生壞故有
說二趣於人益者壞與人俱餘者先壞如是二說前
說為善正理評取前家此論非以正理為量同彼後
說亦無有失又正理云北洲命盡生欲界天由彼鈍
根無離欲故生欲天已靜慮現前轉得勝依方能離
欲○所言成劫至應知已滿者此明成劫可知又正

理三十二云諸大梵王必異生攝以無聖者還生下
故上二界無人見道故○此後復有至成已住劫者
此明中劫并顯住劫準此論文壽漸減時方名住劫
壽未減時是成劫攝問初劫唯減後劫唯增如何時
等中間十八解云二十住劫前後相望前有情福勝
後有情福劣住中初劫福最勝故應合受用上妙境故
下時極遲從第二劫已去其福漸薄上稍遲下漸疾
以上時境勝由薄福故不合受用故上時遲以下時
境劣由薄福故應合受用故下時疾如是乃至第十
九劫福漸漸薄上時極遲下時極疾至第二十劫福

寂薄故上時極遲故初後劫等中十八又解壽未滅
時是成劫攝從無量歲初滅已公方名住劫第二十
劫上至八萬多時經停故初後劫等中十八○所餘
成壞至二十中劫者因明住劫復顯成壞空二時皆
準住○成中初劫至有情漸捨者明成壞劫二種不
同其業易故一劫成壞別業難故十九成壞準此論
文梵王但受五十八劫謂成十九住二十壞十九故
大智度論云梵王壽命五十八劫前言梵王六十劫
者據大數而言又解初成劫時梵王即住言十九劫
成有情者從多爲論據器成已後壞劫時梵王亦住

火從下壞臨至梵王左生上天數滿六十非要具足
受問若依立世經十劫成器世間十劫成有情世間
十劫壞有情世間十劫壞器世間如何會釋解云立
世經說梵王十小劫獨住然後梵輔等生彼經意說
以大梵獨一少故攝入器中故說十劫成器世間據
梵輔已下從多分說故言十劫成有情世間此論多
少通論故說十九劫成有情世間一劫成器世間又
立世經說初從壞地獄乃至壞梵輔經十小劫衆生
世間果壞吠梵王未上生也彼經意說以大梵王獨
一少故攝入器中又據漸壞故言十劫壞器世間據

梵輔已下從多分說故言十劫壞有情世間此論多
少通論故言十九劫壞有情世間一劫壞器世間前
有情世間中引婆沙許家義梵王二十中劫獨一而
住者通前後說初十劫獨一而住梵衆生已未敢其
居後經十劫然始其居故知有二十劫○如是所說
至成大劫量者此明大劫○劫性是何者問○謂唯
五蘊者答劫謂時分時無別體約法以明故以五蘊
爲體故婆沙一百二十五云劫體是何有說是色引
證云云如是說者晝夜等位無不皆是五蘊生滅以此
成劫劫體亦然然劫既通三界時分故用五蘊四蘊

爲性○經說三劫至三劫無數者依經起問阿之言
無僧企耶名數○累前大劫至三劫無數者答累前
八十大劫爲十百十至三劫無數○既稱無數何復
言三者難○非無數言至是其一數者解引經證○
云何六十者問○如彼經言至三劫無數者引經答
阿僧企耶第五十二於此六十數中其一至論主出
世現有前五十二諸傳誦者忘失後八若數大劫至
此六十數中第五十二阿僧企耶名劫無數此劫無
數復積至三經中說爲三劫無數非諸算計不能數
知故得說爲三劫無數婆沙一百七十七云總有七說

此論當第二說廣如彼釋○何緣菩薩至方期佛果者問○如何不許至發長時願者答波羅此云彼岸蜜多此云到○若餘方便至久修多苦行者難若餘二乘修少方便亦得涅槃何用爲菩提久修多苦行○爲欲利樂至求無上菩提者答爲益有情長時修願故捨二乘涅槃小道迴求無上正等菩提○濟他有情於已何益者問○菩薩濟物至卽爲已益者答○誰信菩薩有如是事者難誰信菩薩專欲利他不自己益已○有懷潤已至以他爲已故者答二乘之人有懷潤已無大慈悲於此有情稱爲濟他卽爲益已此

事實難信菩薩行人無心潤已有大慈悲於此有情稱爲濟他卽爲益已此事非難信又引三證一引無哀愍有慈悲證二引孰我愛無我愛證三引有情修種性異證依諸有情種姓差別故有頌言者初兩可明異生下士勤求自身人天等樂次兩句明二乘中士未滅二苦非未有漏樂以此樂是當苦依故又解此樂行苦依故又解此樂壞時苦故名爲苦後一頌明菩薩上士恒時勤求自荷受衆苦冷他有情近得人天善趣安樂遠令他苦永滅盡故得涅槃樂所以者何由姓不同以他苦樂而爲已故○如是已辨至麟角

喻百劫者此下第二明劫中人就中一明佛獨覺二
明四輪王三明小王與此卽第一明佛獨覺上兩句
明佛下兩句明獨覺○論曰至諸佛出現者於八十
劫中二十成劫二十壞劫二十空劫無佛出世唯於
二十住劫中有佛出世然於二十住劫中十九增位
無佛出世十九減位有佛出世就劫減位始從八萬
乃至百千於此中間有佛出世故賢劫經第十說狗
雷孫佛人壽四萬歲時出世狗那舍牟尼佛人壽三
萬歲時出世迦葉佛人壽二萬歲時出世釋迦牟尼
佛人壽百歲時出世若依西域記第六狗雷孫佛人

壽六萬歲時出世狗那舍牟尼佛人壽四萬歲時出
世迦葉波佛人壽二萬歲時出世釋迦牟尼佛人壽
百歲時出世此應部別不同問此二十住劫中釋迦
牟尼佛於何劫中出世解云於第九住劫出世故立
世阿毗曇第九說住劫中云是二十少劫中世界起
成已住者幾多已過幾多未過八少劫已過十一少
劫未來第九一劫現在未盡準立世文故知釋迦牟
尼佛當第九劫出世彌勒佛卽當第十劫出世又泰
法師云若依立世經以此二十住劫中後十住劫無
佛出世前時住劫有佛出世就前十住劫中前五住

劫無佛出世後五住劫有佛出世第六住劫減至四萬歲時拘留孫佛出世第七住劫減至三萬歲時拘留含牟尼佛出世第八住劫減至二萬歲時迦葉波佛出世第九住劫減至百歲時釋迦牟尼佛出世第十住劫初減八萬歲時彌勒佛出世檢立世文但言今時當住劫中第九劫更無餘說又檢起世經亦無此說不知秦法師何處得此文來此論餘文可知○何緣增位無佛出耶者問○有情樂增難放散故者答○何緣減百無佛出耶者問○五濁極增至及無病故者答義便明五濁壽濁以命爲體言劫濁者劫

謂時時無別體約法以明以五蘊爲體又解若泛出劫體以五蘊爲體此中劫濁以色爲體故論云資具衰損煩惱濁以五鈍惑爲體見濁以五見爲體有情濁者有情離法無有別性以五蘊爲體又解以惡業爲體劫減將末壽等鄙下如滓穢故說名爲濁由前壽濁起故壽命極被衰損乃至十歲由前劫濁起故衣食等資具極被衰損以此故知劫濁以色爲體由次煩惱濁見濁起故善品衰損以煩惱濁耽欲樂故起貪損善以見濁自苦行故起戒取損善或煩惱濁損在家善見濁損出家善由後有情濁起衰損自身

身量短小色白令黑力強令劣正念正知令邪念邪
知勤勇令懈怠無病令有病以此故知有情濁以五
蘊爲體問如婆沙一百一十三云有情衰損者謂劫
初時此瞻部洲廣博嚴淨多諸淳善福德有情城邑
次比人民充滿至劫末時唯餘萬人準被婆沙損諸
有情令其漸少何故此論說損自身解云婆沙據損
多令少此論據損自身以實而言皆通兩種俱有情
故○獨覺出現至二麟角喻者明獨覺出世并顯二
種○部行獨覺至轉名獨勝者釋部行獨覺由衆部
相隨名爲部行離教自悟名爲獨覺部行獨覺先是

聲聞得前三果人後得第四勝果之時離教獨證勝
果轉名獨勝覺又解先是聲聞初果後得後二勝果
時離教獨悟勝果轉名獨勝前解爲勝○有餘說彼
至不應修苦行者敘異說若先是聖人不應起戒取
而修苦行以此故知先是異生餘文可知○麟角喻
者謂必獨居者釋麟角喻如麟一角無二並生獨居
悟道故喻麟角故婆沙二十二云麟角喻者根極勝故
樂獨出故當知如佛必無有二並出世間如舍利子
尚無並出況麟角喻勝彼多倍又婆沙九十九云問
佛得緣佛他心智不有說不得所以者何無二如來

俱出世故復有說者得此說能緣不說現起問獨覺
得緣獨覺他心智不答麟角喻者準佛應知又一說
云有作是說麟角喻獨覺亦定得緣麟角喻獨覺他
心智亦說能緣亦說現起餘世界中有麟角喻獨覺
出世無果遮故雖有二說然無評家前既不言有說
且以前說爲正又同婆沙前文○二獨覺中至麟角
喻獨覺者明麟角喻修行時節○言獨覺者至不調
他故者釋名○何緣獨覺至對治道故者外難何緣
獨覺言不調他非彼無能演說正法以彼亦得四無
礙解故論主若謂雖能說法而不能投機說法故不

說者又被獨覺得宿命智而能憶念過太所聞佛說
放理何故不能投機說法論主若謂能雖說法亦知
根機而無慈悲故不說者又不可說彼獨覺無慈悲
爲攝有情現神通故論主若謂雖能說法及知根機
亦有慈悲以無受法機故不調他者又不可說無受
法機爾時有情亦有能起世間離欲有漏道故○雖
有此理至怖誼雜故者答雖有此理由彼獨覺過太
久習少欣樂勝解無說法希望故於少欣樂中勝解
強故所以別舉又知有情難受深法以順生死流既
久難令逆生死流故又避攝衆不說正法怖誼雜故

○輪王出世至何威何相者此下第二明四輪王一問時二問種三問俱四問威五問相○頌曰至故與佛非等者初句答初問第二句第三句及第四句中逆次兩字答第二問第四句中獨如佛三字答第三問第五第六句答第四問第七第八句答第五問○論曰至名轉輪王者釋初句準此論文四種輪王皆於人壽八萬已上方出世間○施設足中至應知亦爾者釋第二第二及第四句中逆次兩字初引論釋四王鐵輪王一謂臍部銅輪王一東勝身銀輪王三度加牛貨金輪王四更加北洲契經已下會釋經文

依論說四輪經就勝但說金輪引經證訖論主解云金輪既然轉餘三輪應知亦爾或可總是經文就勝偏說金輪餘三例釋○輪王如佛至輪王亦爾者釋第四句獨如佛輪王一界無二並生如佛無俱引經可解處謂方處位謂時位○應審思擇至爲約一切界者論主勸思經言唯一爲據一二三千爲約一切三千說○有說餘界至唯一如來者說一切有部解於十方界唯一如來無二並生立理引教可知波羅門此名梵志喬答摩此刹帝利中一姓氏謂氏族○若爾何緣至得自在轉者解引經難○彼有密意者答

○密意者何者外人微○謂若世尊至例此應知者
通釋經文梵王經據不作加行佛眼唯於一三千界
觀見自在若據發起加行佛眼能於無邊世界觀見
自在天耳通等例此應知○有餘部師至定有多佛
者有餘部說有十方佛家可知○然彼所引至及決
定勝道者立十方佛家通前舍利子經此經爲約一
界多界若約多界唯有一佛則轉輪王餘界非有經
說如佛遮俱生故汝宗既許輪王餘界別有如何不
許別界佛耶俱現益多如何不許令得人天增上生
及得決定無漏勝道○若爾何故至俱時出現者說

一切有部難○以無用故至無二佛現者十方佛家
答一以無用二由願力三令敬重四令速行○如是
所說至主兵臣寶者釋第五第六句○象等五寶至
生他有情者難於七寶中除輪珠寶餘象等五有情
數攝如何他輪王等生他有情此約親因爲難○非
他有情至乘自業起者各非他象等有情從他輪王
親因業起各自從已親因生故然由先造互相繫屬
疎增上業於中若一乘自業生餘亦俱時乘自業起
○如是所說至大士相殊者釋後兩句四種非二名
諸輪王皆具三十二相金輪具勝餘三雖有非如金